



3.

[Handwritten flourish] m

[Handwritten flourish]

[Handwritten flourish]

[Handwritten flourish]

[Handwritten flourish]

[Handwritten flourish]

LJS BIBLIOTHECA
SCHÖENBERGENSIS
416
SCHÖENBERG DATABASE
OF MANUSCRIPTS LJS



Boulangerie de Rouen.

Copies authentiques,
signées par Pierre
Cauchon greffier,
de 4 documents de
1350, 1502, 1518
et 1491.

Le tout copié à la
requête de Pierre
Tassel, fermier
des moulins de
Rouen en 1518


12
III/1953

26 H




Coppie


Tous Ceulx Qui ces
pntes lres verront Jehan de montes
pedon escuier seigneur de beauuoir
et de basoges conseilier Chambellan
du Roy nresire et son Bailli de Roue
salut Sauoir faisons que nous
au Jourdu. xxviii^e Jour de Ianuer
Lan de grace mil. CCCC soixante
et dixhuit Auons deu tenu et leu
mot apres mot vnes lectres en
parchemin seellees en double queue
et cire vert desquelles lateneur
ensuit.

Atous ceulx qui ces lres verront
ou oiront Pierres polm lieuten
general de noble homme mon
seigneur Jehan saluam escuier
Bailli de Rouen salut. Sauoir


faisons que au Jourdui tiers iour de
decembre Lan de grace mil CCCc vngt
deux auons veu vnes lectres sames
et entieres en seel et escripture des
quelles lateneur ensuit. 

Atous ceulx qui ces lectres ver
ront ou oiront Karados des quesnes
cheualier seigneur de sarsuillier
conseillier chambellan du Roy nre
sire et son Bailli de Rouen salut
Sauoir faisons que au Jourdui
a la requeste de Jehan fauermier
procurateur general de ladicte ville
de Rouen Nous auons fait ex
traire du regre de iustice du tps
de la maxerie de feu sire Robert
le maistre maire de lads ville en
lan mil. CCC. et Cinquante ce

qui sensint.   
Ordonnances des moulins de
Rouen. Premièrement les bouden
giers qui sont dedens les quatre
murs doivent payer pleine mou
sture excepte ceulx des aires Cest
assavoir pour chüne somme vng
comble deble et vng comble et
vng Rez de farine pareille de la
curaille double au septier du grant
moulin. Et se vng menestrel lieue
son mestier Il doit payer par demy
moustrure Cest assavoir vng Rez
deble et deux Rez de farine pour
söme le premier an et les pateilliers
et oubloiers doivent payer autant
Cest assavoir vng Rez deble et deux
Rez de farine pour chüne somme

2 **I**tem ceulx qui viennent par
mer et les grux doiuent payer dix
deniers pour chūne **mine** Et se
eulx apportent farine moulue
eulx doiuent autant se le fermier
ne leur veult faire laque et se eulx
ne le font eulz forfont ble et fa
rine et doit estre celle farine au
fermier Et ne peuent acheter
a Rouen excepte aceulx de la
moulte. 


3 **I**tem ceulx qui demeurent hors
de la porte cauchoise doiuent
mouldre a desuille pour payer
de chūn sac vng godet de ble Rez
et vng de farine Rez et doit auoir
en chūn sac Saize boiesseaux et
doit vng denier avec chūn sac.


Et ne peuent vendre fors que en
leurs maisons ou en la halle du
viel marche et au vendredi a la
vieutour. 

† Item ceulx qui demeurent a
la croix de pierre ou Renc de deuers
coquereaumont doiuent moudre
a caruile pour vng kes de farine
chün sac au septier du grant
moulin de Robec et doit tenir
chün sac quatorze boisseaulx.

Et les autres delautrepart doiuent
moudre auid moulin de caruile
pour chün sac neuf demers.


Et doit auoir en chün sac qua
torze boisseaulx Excepte deux mai
sons qui furent Rouelle et lui
vindrent de laurens lechambellan

Et doiuent mouldre ces deux mai-
sons au moulin dela fosse. Et ne
peuent vendre nulz de la croix de
pierre dedens les murs se leur
pam estoit trouue Il doit estre
forfait. Et doit celle forfaiture
tourner par deuers le fermier des
moulins de Robec. 

Item les boulangiers qui demeu-
rent oultre la croix du pont de
saine Iusques au fief du pre doi-
uent mouldre aux moulins de
la ville pour six deniers chüne
myne Et ne peuent vendre au
deca de la croix fors que au vèdredi
a la vieux tour et se eulx font
autrement eulz forfont ou ble
ou farine ou pam. 

Item ceulx qui demeurent
oultre lacroix debiquinet depres
martainville doivent moudre
au moulin de la ville. Excepte
quatre maisons dont deux mai-
sons sont du fief de la geolle et
une phte du Vauricher et
une que tient laurens coisy de
celles du fief de la geolle. Et tous
ceulx du fief de la geolle qui
demeurent au fief du maire
boullengiers doivent venir
moudre es moullins de la ville
pour six deniers la myne. Et se
aultrement le font Ilz forfont
ble ou farine ou pain. Et ne
peuent vendre dedens les murs
excepte au vendredi a la vielztour.

7 **I**tem ceulx qui demeurent hors
la porte beauuoisine boullengiers
Jusques ou le fief au maire sestet
doient mouldre a caruille pour
neuf deniers chün sac et doit
tenir chün sac quatorze boisseaux

8 **I**tem toutes les aires de samct
ouen ne peuent vendre fors que
en leurs maisons et en la vieulz
tour au vendredi et en la boulen
guerie. 


Item laire maxi des essars qui
est en la Rue aux tonneliers ne
peult vendre que a sa fenestre
et en la boullenguerie et au ven
dredi ala vieutour. Et sautrement
le fait Il forfait tout ce qui est
trouue de son pain soit en taverne


ou ailleurs ou en lieu ou len cōpte
a table ou dicelui pain aura. ¶


10 **I**tem toutes les yssues de la ferme
comme tercheux ou brens de tous
les lieux qui ne sont de la moulte
estoient trouues du fermier ou
de son commandement en lieu
quils feussent vendus dedens les
murs Et ne les peuent acheter
nulz boullengiers de la moulte
sans acquiter au grant moulin.

11 **I**tem le pain qui vient au mar
che de Rouen au vendredi ne doit
auoir point de reuente en la
baillieue de Rouen et ne doit
estre achete de nul reuendeur
de pain tant cōme labailieue
dure et si ne peuent point vendre


5

leur pain que au marche puis quilz
sont entrez en labuillieue et ne
peuent mettre en cornuert Et sil
est trouue quilz facent autrement
Ilz forfont pain cheuaux charet
tes ou benneaux. 


Item nulle aire qui soit hors
deplaine moulture ne peult mercher
son pain ainsi comme celles de
plaine mousture qui ne soit
ferme pour forfait par tout ou
Il sera trouue. 


Item nul boullengier ne peult
auoir que vne fenestre et vne
maison ou son four est. 

Item toutes les autres sont
tenues a venir demander aux
moulins aux fermiers se Ilz


pourront mouldre avant quilz
voisent ailleurs pour le feux quilz
aieront moulu aux autres mou
lins Si doit len sauoir que saint
ouen a six aires dont Il en va
trois hammers qui ne peuent
mouldre fors que au moulin
saint ouen et trois qui peuent
aller mouldre hors les mers la
ou Ilz voudront sans dangier
Et se Ilz veulent mouldre de
dens les mers Il couuient quilz
viennent premierement prendre
congie au grant moulin pour
ce que les fermiers lauront par
deuant vng autre se Il vult
mouldre par le prix quil moul
drait ailleurs. 

Item Samet amand si a le
conduit de ses aires derrenieres
dictes Et filz sont autrement le
fermier ou son comandement
peuent prendre la farine come
forfaite a listre du moulin

Jusques a lostel. 

Item se aucuns des aires fait
herbeger sa farine hors de son
hostel ou du moulin ou elle sera
moullue et le fermier ou son
commandement la treuvent
Il la peuent prendre comme
forfaite. 

Item nul pain qui est en la
boulenguerie nre dame ne peult
estre vendu en taverne se il nest
de la moulte ne en lieu que

le fermier cuide que len compte
a table Et peult le fermier ou
son commandement venir en
lieu ou il lecuide trouver et
enquerre tout le lieu de lostel et
demander par son serment se il
en va point qui ne soit des
moultres pour feueindre Et le
peult demander au seigneur et
a la dame au barlet et a la
meschme ou a celui qui garde
lostel. 

Item nul boulengier qui four
me pain a bourgeois ne doit
point adiouster de leur paste
ou farine avec la leur qui est
acquitecte aux moullins et se il
fait il forfait l'un pour l'autre

Et se Il a tectenu de la paste ou de
la farine ausd^s bourgeois qui
nest pas acquittee audiz moullins
en la recompensacion de la sienne
qui leur a baillee Il la peult labou
rer a par soy pour son vser ou
vendre a la guerdille de son four
sans porter a fenestre et ne peult
autrement faire qui ne forface.

Item se le fermier prent farine
ble pain ou paste cheual ou sac
portant a cause de forfaicture la
premiere congnoissance en doit
estre faicte au grant moulin.

Et se partie aduerse se plaint
Il en doit appeller deuant le maire.

Item nul ne peult apporter pain
dedens les meutes a nul jour de


la sepmaine fors .en passant oultre
en allant son chemin. Et se Il
destouure son pain et Il offre à
vendre Il per pain et cheuat.

Excepte le vendredi quilz peuent
porter leur pain au balle de la
vieutour.


21 Item se le fermier prent chose
qui doye appartenir aux moullins
a cause de sa forfaiture et Il ny
ait point ledit fermier nen doit
point d'amenue.

+ 22 Item nul mōmer de moullins
baatars qui sont dedens les metes
ne peuent appeller hōme portant
ne dire venez moudre se Il na
vng pie dedens le moulin Et se
Il est prins au paiement Il la

mendra. 

Item nul boulengier de la moul
te ne peult porter ne faire porter
ble pour moudre qui soit aux
bourgoyz ne a autre homme ne
a autre moulin que aceulx de la
ville se Il le fait Il pert ble et fa
rme et cheual se le varlet au
bourgoyz ny est. 

Item nul boursy ne autre
ne peuent nul bémier desgrener.
Excepte larchuesque et le viconte.
Et se le franc fief laurens le châ
bellan et loir vnicent du valricher
Et conuient que lesdiz hoirs
voisent amcops au moulin
vnicent a lentrete ou ala bretesque
de martainville se Il est en point

qu'ilz pussent moudre. Ilz doivent
moudre. Et se Il n'est Il peult aller
moudre a quel moulin que Il veult
de la ville 

En tesmoin^g desquelles
choses nous bailli dessusdiz auons
mis a ce pnt vidimus ou trascript
le grant seal aux causes dudit
bailliage. Ce fut fait L'an de grace
mil. CCC. et neuf le cinquiesme
Jour de decembre. Ainsi signe h
lancestre En tesmoin^g de ce nous
lieuten^g dessus nomie auons seelle
ce pnt vidimus de nre propre seal
dont nous vsons oudit office de
lieuten^g L'an et Jour premiers dix
Et a greigneur Congnoissance a
nre requeste y aeste mis le grant

seel aux cauz dudy bailliage Lan
et Jour dessusd. Ainsi signe collon
faite dubust Et nous bailli des
sus noe auons fait mettre accepnt
accepnt vidimus ou transcript
legrant seel aux causes dudy
bailliage Ce fut fait en lan et
Jour premiers dessusdiz. Ainsi
signe. R. dautenr vng paraphe
Et sur le Replir desd' lectres estoit
escript Collacion faite. *an*
Collon fcte aud' vidimus par moy
Loys cruchon huissier du Roy
nresire en sacourt de parlement
a Fouen A la Requeste de Pierre
tassel apnt fermier des moullins
de lad' ville de Fouen Le Jeudi xxvj. 10.
dioust mil Cinq Cens et dixhuit.

Emmanuel

[Faint, illegible handwriting in a historical script, possibly Latin or Greek, with some red ink used for initials or headings.]

[Faint, illegible handwriting in a historical script, possibly Latin or Greek, with some red ink used for initials or headings.]

[Faint, illegible handwriting in a historical script, possibly Latin or Greek, with some red ink used for initials or headings.]

Du leudi second Jour de
mars Lan mil. Cing Cens
et deux. En la court de
Leschiquier

Coppie

En la matiere pen
dē en prouision en lacourt. Entre
les bourgeois manans et habitans
de la ville de Rouen et les fermiers
des moullins dicelle sontz enseble
demandeurs delad' prouision in
thimes en dolleā dune part.
Et Raoulin malassis Pernot mustel
Jehan disy Jehan poret et leurs
consors boullengiers en lad' ville
en tant et ainsi quilz sont en
proes porteurs de lad' dolleā

sur lehuill^r de Rouen ou son lieuten^t
deffendeurs de lad^e prouision d'autre
part. Surce que lesd^s demandeurs
Requeroient que en ensuiuant
les constitutions et anciennes
ordonn^{ances} faites sur le fait des
moullins de lad^e ville feust dedé
que a bonne cause Ilz auoient
Requis et demande que par pro
uision la forfacture leur feust
adiugee de certaines farines
moullues hors les moullins a
ban dicelle ville. Donc lesd^s bou
lengiers auoient este trouuez
saisiz et arrestez a forfacture es
quelz moullins les boullengiers
de lad^e ville sont tenus et subgetz
moudre leur ble et faire de ble

farine sans porter ne faire porter
ble pour mouldre qui soit a bourgeois
ne a autre homme ne a autre moull
lin que a ceulx qui appartiennent
a lad' ville se le varlet ou seruiteur
dud' bourgeois ou decellui a qui
ledit ble appartient ny est pnt.
Avec ce quil feust deffendu ausd'
boullengiers que pour^{le} temps ad
uenir Ilz ne prennent charge de
porter ne faire porter ble pour
mouldre qui soit a bourgeois ne
a autre personne ne a autre
moullin que a ceulx qui apparte
nent a lad' ville se le varlet ou
seruiteur dudit bourgeois ny est
pnt sur paine de forfaiture dud'
ble ou farine ou du cheual qui

seroit trouue portant Icelluy ble
ou farine Et Iceulx boullengiers
deffendeurs estre condempnez a
eulx conduire et gouverner selon
les constitucions et ordonn^{es} an
ciennes en demandant despens.
desquelles actions et prouision
Iceulx deffendeurs auoient pretendu
deffendre par plusieurs faisons
par eulx alleguez Surquoy lesd^s
parties auoient este oyes escript
par aduertissemens cloz leur pro
ces pour sur lad^e prouision leur
estre fait droit. Et en par la court
les aduertissemens examens de
tesmonys lectres escriptures et
tout ce qui a este produit par
chune desd^s parties. Dit est que

par prouision et sans preiudice de lad'
dolleance et procez prident en lad'
court et Jusques a ce que par Icele
sur la principallite autrement en
soit ordonne. **D**effense sera faicte
ausd' bouldengiers ne porter ne faire
porter ne faire mouldre ble appar
tenant aux bourgeois de lad' ville
ne a autre personne que a eulx
ne en autre moullin que a ceulx
qui appartiennent a lad' ville se
le seruiteur du bourgeois ou de cellui
aqui led' ble appartient ny est
pnt sur paine de forfaiture du
ble ou farne et cheual qui seroient
ainsi prins et trouuez selon le cōtenu
es ordonnāns faictes sur le fait desd'
moullins de lad' ville extraictes

par le baillif de Rouen en lan mil
CCCC. et neuf des Regres de Justice
du tps de la mairie de Robert le maist' lors maire
de cested' ville de Rouen en lan mil
trois cens cinquante En baillant
cauxion suffisant par lesd' demaudeurs
de rendre et restituer ausd' desfen
deurs tous les dommages quilz
pourroient auoir sil est dit en
diffinitive que faire se doye. Les
despens de ceste Instance restue
sur lad' principallite en laquelle
lesd' parties procederont non
obstant les jours fait come desh.
Ainsy signe. G. fremyn vng
paraphe

Collon fcte a loriginal en par
chemyn par moy Loys cruchon
huissier du Roy nresire en sa
court de parlement A Fouen
a la requeste de pierre tassel
apnt fermier des moullins
de la dicte ville Le jeudi xxvj.
Jour d'oust Lan mil. Cinq Cens
et dix huit.

Emph. 10

Du vintiesme iour d'aoust
l'an mil cinq cens xviii
deuant nous. Guillaume
adoubart et Thomas postel
conseillers du roy nre s.
en la court de parlement
Et commisaires d'icelle en
ceste partie.

Cesont comparez deuant
nous Pierre fassel boçois
de roen fermier des moulins
appartenans a lad' ville d'une part et
Jehan cauteleur Jehan le carbonier
Michault bonel et Robert griffon
maistres & gardes du mestier de
boullenger en ceste ville de Rouë

pour eulx et eulx faisane fore et
establisans pour les aultres boulléoz
De ces téd'villeacpnt maistre michel
desaint saire comme procureur et
stipulant po^r lesd'gardee maistres
et ouurere d'ed' mestier. et maistre
Robert morieult Leur conseil parlāt
pour eulx. Apres les parties ouyes
Sur plusieurs descors et differendz
qui es toiet entre eulx touchant le fait
de la moulte des bles desd' boulléoz
q^lz es toient et sont tenue apporter
et moult' esd' moulins comme subiectz
et banniers diculx sur paine de
forfaicture selon les ordonn^s sur ce
faic tes et appoinctes donnees par
le baillly de rouen ou son lieutenāt
ensemble cas et discord. **E** donne

des Te du consentement et accord desd
parties en ensuivant lesd ordonnances
et appointemens. Et pour eviter
a la confusion perte et dommage qui
pourroit advenir a raison du grand
nombre et multitude desd bles qui sont
et doivent estre apportez esd moulins
Que lesd boursengiers Leurs gens
seruiteurs et entremectiers seront
tenus desormais devant q mettre leurs
bles esd moulins faire mettre en leurs
sacs puches et bennes estiquetees en
parchemin conten le nom surnom du
boursenger a qui appartiendra le
sac puche ou benne et le nombre de
bles qui sera dedens led sac puche ou
benne. A fin de congnoistre a qui
appartiendra lesd bles. Et iceul x

es tre escrips aux papiers des monnues
et du clerc d'iceulx moulins mesm
le nombre du bley qui sera mys dedans
Les sacs pouches ou benmes pour en
avoir congnoissance et certitude
sans ce q' lesd' boursengiers les puissent
porter et moudre ailleurs que esd'
moulins sur paine de forfaiture
parce q' lesd' tassel fermier et aultres ses
les semblables fermiers ne pourrôt
ne faire moudre les bles desd' boursengiers
en leur absence et sans leur consentein
et q' se lesd' boursengiers ne se trouuent
aux iours et heures que leur tour
et Reng pa de moudre leursd' bles
apportes ausd' moulins. Les autres
boursengiers qui auront este et
seront trouues escriptz ausd' R

papieres tournant de dictz mo-
nere et clerc de dictz moulins qui seront
prie pour actend et garder leur Ruy
et ordie seront despeschés chün leur
Reng et degrey sans aucun contred.
Desord ne proez po le temps aduenir
en aucunes manieres. Donc chünne
desd parties nous ont Requis sire po
leur seuer et vallor quil appied
donne comme des Rues.

Collacion faicte a loriginal en par-
chemin par moy Louys cruchon
huissier du Roy nre h. en la court
de parlement A roien a la requeste
de pierre tassel a pnt fermier des
moulins de lad ville. Le jeudi vij.
iour de febre lan mil cinq cens
et dix huit

Fait par

A tous Ceulx qui ces pre
sentes lettres verront ou oï
ront. Guille Anglo lieu
tenât general de noble hōe
Regne parent Escuier essanxon du
Roy nostre sire & son viconte de Rouē
salut. Sauoir faisons q au iour
dhuy septieme io^r de Juing L an de
grace Mil. CCC. C. iiii^{xx}. & xij. Nous
auōs veu tenu & leu mot aps mot
aultre vne lre en parchemin conten
forme d ordonnance scelle sur double
queue de cire verte saine & entiere en
seel seing et escripture et de la quelle la
teneur ensuyt. A tous ceulx qui
ces pntes lres verront Guille anglo lieu
ten gñal de noble hōme Regne parēt
escuier essanxon du Roy nre s^r & sō vicōte

de Rouen salut.

Comme plusieurs des maistres et ou-
riers du mestier de Boulengerie de la
dicte ville nous ayent expose que par
aucuns dudit mestier estoient & pouoient
estre faictes et come de iour en iour plus.
fraudes malices et mauuais ouurages
dont Justice et les bons et suffisans ou-
riers dudit mestier n'auoient ne pouoient
auoir braye congnoissance tant par ce
quilz nestoient faictes de si bones et lo-
yales estofles ne si deubmēt come faire
les deuoient que aultremēt / qui estoit
en preiudice du bien cōmun. et de la
chose publiq. et encoze seroit plus se sur
ce nestoit pourueu par iustice. Et dōt
les delinquāz ipugnez par ce q'audit
mestier na point d'ordonance p quoy

len ne pouoit auoir bone cōgnoissāce
cōme dict est desd fraudes et mauuais
ouurages ne de ceulx qui les cōmedoiet
et faisoient. En requerāt instrumēt
pour obuier aux choses dessusdictes et
eschuier ausdictes fautes et malices
et aux dōmaiges et incōueniens qui se
pouoient ensuyuir. Nous boulsissōs
constituer et faire ordōnance audict
mestier selon certains articles p eulx
faictz. que ilz monstroient par escript
a celle fin. Lesquelles articles en
consideration aux choses dessusd. et po
sur ce pouruoir cōme raison estoit.
Et en obtemperāt a leur requeste aūt
este par nous et les conseulz et pcureur
du Roy nre sire aud lieu de Rouen deuz
et visitez a grand & meure deliberation

Et en aucuns diceulx mis aucunes corrections et diminutions : et en aucunes aultres mis augmentations . et de puy par lesd maistres et ouuriers dud mestier cy apres nommez aient este veuz et visitez come ilz disoient . Et iceulx rapportez deuant nous . En requerans q iceulx articles cy dessoubz incorporer et transcriptz que ilz acceptoient ne leur vouldissons bailler et constituer par ordonnance audict mestier .

Savoir faisons que au io^r d'hu par deuant nous se coparurent Jeh nep^u . Jaquet charettier . Jehan cauellier et Guille rougault . gardes dud mestier pour ceste annee pnte . Et pierre fortin . Michel bmet . Raulin malassis . Jehan bataille . Andreu guillebert . Thomas

Verdure. **R**obinet guerin. **P**ierre mustel.
Pierre suyn. **R**aulin lestinondoys. **C**olin
griffon. **P**ierre du clos. **M**artin guillotz
Michel bouuet. **J**ehā le chandelier. **P**ierre
daubuille. **G**uillē le cardier. **S**upplis le feux
Pierre de cany. **T**homas de la croix. **R**obī
le carpētier. et **C**olin le carpētier. **T**o^r mai-
stres & ouuriers dud^e mestier/ qui sont la
plus grand et saine partie des maistres et
ouuriers diceluy mestier tenans ouureur
en lad^e ville cōme ilz disoient. **L**esquelz
en perseuerāt a leur^e requeste no^r appor-
terent **I**ceulx articles quilz disoient auoir
beuz et fait lire en leur presence. **E**n req^r-
rant cōme autresfois auoient fait. **I**ceulx
articles leur estre baillees pour ordonnāce
eud^e mestier. pour eulx & les aultres maistres
et ouuriers diceluy mestier en lad^e ville et

leurs successeurs desqz articles la teneur esluit.

Premierement. Il est ordonne q
tous les boulangiers de lad ville et bailliue
de Roen facent bon pain blanc (come
molet/foasse/pain de rouelle/senny neaux
cornuyaux/craquelins creteles. et toute
autre sorte de pain blanc) de bon ble. et
aussi de bonne blancheur et de bon leuain
tel come il appartient. Et q led pain
soit bien laboure et de bone cuitture.
sur peine de forfaiture ou amende a la
discretion de Justice. Desquelles amendes
entant que seront celles rapportees par
lesd gardes. Le Roy nre sire en aura la
moitie: et lesd gardes lautre moitie po
les affaires dudict mestier.

Item que len ne face audit mestier
que trois sortes de pain. Cest assavoir

Pain blanc des especes dessus declarees pain
biset et pain fettis. bon loyal bien laboure
et de bonne cuitture cōme dessus est declare.

Item que lesd̃ boulangers ne puissent cuire
leurd̃ pain au **D**imanche/le iour de **N**oel
du saint **S**acremēt. **N**atiuite saint **J**ehan
baptiste. **T**oussaintz. les festes de nostre
Dame. ne au iour saint **H**onore. sans
le congie et licence de **J**ustice ou des gardes
dud̃ mestier. **L**equel congie leur seroit
ou pourroit estre dōne pour cause raison-
nable. **S**ur peine de trente solz tourñ. de
amende a appliquer moitie au **R**oy
n̄re s̄. **E**t lautre moitie ausd̃ gardes.

Item que vng maistre dud̃ mestier de
boulengerie ne puisse auoir que vng
apprentif a la fois sera tenu seruir son
maistre le temps et espace de quatre ans

Et se ainsi estoit que led' apprentif laiffast
son maistre led' temps durant. Ice' luy maistre
ne puisse ne doive auoir quelque aultre
apprentif iusques a ce que le temps de son
dict service soit reuolut se led' apprentif ne
Renonce aud' mestier. Et sera led' appren-
tif en la presence des gardes dud' mestier mene
et conduict deuers Justice par ses amys & sera
applege sil plaist aud' maistre. de bien et
loyaulment seruir led' temps de quatre ans
durant. Et a iceluy iour que led' apprentif
sera mene a Justice pour faire le serment
Requis et a coustume aud' mestier. paiera
la s'ome de .xx. solz tom. Dont les gardes dudit
mestier auront .xv. solz t. Et les aultres .v. s. t.
seront appliquez. Cest assauoir. deux solz
six deniers A leglise & parroisse ou demourra le
maistre. Et les aultres deux solz six deniers

À la frarie **S**amēt **H**onore.

Item pour ce que ble souuēt viēt a cherte
ou diminution de prix. Pour quoy cōuiēt
aucuneffois le poix du pain croistre ou dimi-
muer. Et aussi que les bledz sont meilleurs
et de plus grand responce en aucunes années
q̄ es aultres. Et a raison de ce le vicōte
de Rouen ou son lieuten. fera faire par chm̄
an vng essay ou deux ce mestier est. en ce cas
leur sera par Justice pourueu selon la va-
leur dud̄ ble en telle maniere q̄ les boulen-
giers se puissent entretenir aud̄ mestier.

Item que tous boulen-giers de dehors len-
clos de lad̄ ville qui ne sont pas subgetz au
ban dicelle ville ne portent ou facent porter
au vendredi ne a quelq̄ autre iour de la sep-
maine ne durant les foires franches leur
pain par my la ville. mais le seront tenus

porter au^d iour de vendredy marche et
foires franchises tout droict au belle de la
vieultour. Et sil aduient quilz decou
urent leur pain / et le mettent et exposēt
en vente dedens lad^e ville deuāt que estre
au^d belle de la vieultour. En ce cas le^r pain
cheuaulx et pēniers seront forfaitz ainsi
quil est contenu aux ordōnāces de lad^e ville.

Item que tous tauerriers et hostelliers
de lad^e ville ne puissent reuendre aucū
pain / sil nest de la plaine moulte dicelle
ville de Rouen. Et sil ne porte le merc
des^d boulēgiers / ou lun de eulx : sur peine
de forfaiture / ou amende a la discretion
de Justice / en ensuyuant les ordonnances
du ban de lad^e ville : et a la conseruation
du droict diceluy ban / Sur peine de dix
solz damende : a appliquer cōme dessus.

Item que ung chacū boulenger ne
puisse ne doyue faire pain blanc biset
ne bis. **S**il nest de tel poix quil leur sera
ordōne par Justice. et les gardes dud
mestier. **S**ur peine de dix solz damēde
a appliquer moitie a Justice. **E**t
lautre ausd gardes.

Item que en lad ville ne soient reue
deurs ne reuenderesses de pain. **S**ilz ne sōt
tauerniers ou hostelliers. **L**esquelz
tauerniers et hostelliers / ne pourront
vendre / ne mettre led pain en fenestre
ne estal. **S**ur peine de dix solz damēde
pour chacune fois quilz seront trouuez
faisans le contraire a appliquer moitie
a Justice. **E**t lautre ausd gardes. **S**e
par Justice nestoit trouuē q faire se
deust en aucunes des portes de lad ville

72

pour cause iuste et raisonnable. Et du
pain fait par lesd^s boulangers dicelle
ville.

Item tous ceulx qui
auront serui leur temps d'apprentisage
filz se beulent faire passer maistres dud^s
mestier / en faisant chef doeuure au lieu
et ainsi qui leur sera ordonne par Justice
ou lesd^s gardes. Et ilz sont trouuez suffi
santz par le rapport desd^s gardes : et de dix
ou douze des maistres dud^s mestier. Ilz
seront a ce receuz / et feront le sermēt en tel
a coustume. Et paieront pour leur hāce
La sōme de soixante solz. C'est a sau.
vingt solz. au Roy. vingt solz a la frarie
Saint honore. Et les aultres vingt solz
aux gardes. Et ly paieront cinq solz
au tresor de leglise & parroisse ou demourra
lors le maistre ou ilz auront appris ledit

mestier. avec les vinages et boissons a
coustumees iusques a la somme de Cent solz
tournois ou au dessus.

Item les filz des maistres dud mestier
seront quittes pour servir deux ans soit
chez leur pere ou aultre maistre dudit
mestier. Et en la fin de leur temps filz
se veulent faire passer maistres & ilz sont
trouvez suffisans Ilz ne paieront que
demye hance. Et deux solz six den. t. au
tresor de leglise proisse / ou ilz auront
appzins leur mestier. Avec les vinages
iusques a Cinquante solz / ou au dessoubz.

Item que nul varlet dud mestier q soit
a loue a aucuns des maistres et ouuriers
dud mestier. ne puisse laisser son maistre
ne soy alouer ailleurs. Jusques a ce quil
ayt faict & accompli son service de tout

le temps de son alleu. Et aussi que nul
aultre boulenger ne puisse mettre
led barlet en besongne Jusques a ce q^l
soit quicte/ou que son maistre soit
content de luy. **S**il nestoit trouue
par iustice quil y eust cause raisona-
ble de faire/ou quil fust a ce p iustice
auctorise. **S**ur peine de dix solz t^s. de
amende a appliquer moitie au Roy
Et lautre moitie ausdictz gardes.

13 **I**tem que nul boulenger ne aultre
ne puisse cuire/ne faire cuire ne au-
cunement besongner ou tenir ouureur.
duid mestier pour vendre en lad ville.
Sil nest deument passe maistre. **S**i nō
les boulangers demourans aux maisons
dancienement nōmees les frances aires
de saint Ouen: ou aultres lieux francz

si aucus en va pour en bser en la ma-
niere acoustumee. Sur peñe de forfai-
cture ou amende a la volute de iustice.

14 Item que nul boulenger de lad ville
de Rouen ne pourra auoir q̄ vng four
et vng estal en la maison ou son four
est assis. Et que semblabl. nul boulē-
ger ne se ingere ou efforce po^r le temps
aduenir de porter ou faire porter mener
ou trayner de huys en huys ou rue en
Rue son pain. Sur peñe de vingt solz
damende. Dont la moitie sera au roy
Et l'autre moitie ausd gardes.

15 Item que nul boulēger de dehors le
ban de lad ville ne puisse apporter ou
faire apporter son pain par caue/ ne
par terre a cheuaulx ne charettes dedes
lad ville de Rouen a aultre iour q̄

le vendredy ou durant les foires frâches.

Sur peine de forfaiture. ou amende a la discretion de iustice / a appliq̃r cōme dess⁹.

16 **I**tem lesd^s gardes de boulengerie pourrōt
visiter toutes fois quil leur plaira tous
les boulangiers de cested^s ville : et les aultres
demourâs en la banlieue dicelle ville pour
voir & congnoistre les faultes & fraudes
qui pourroient estre faictes et cōmises
aud^s pain. Et mesmes au poix et au
prix qui par iustice leur seroit baillie.
Et icelles faultes & fraudes approcher a
Justice. Dont le Roy aura la moitié des
amendes. et lesd^s gardes lautre moitié.

17 **I**tem et sil aduenoit que aulcun des
maistres dud^s mestier alast de vie a trespas
la vesue diceluy maistre pourra tenir
ouureur tant q̃lle se tiendra de marier.

et non aultrement. pourueu quelle ayt
vng barlet ouurier qui soit suffisant po.
faire ledict estat.

18 **I**tem que aud mestier aura quatre gar
des qui feront le serment deuant le viconte
de Rouen. ou son lieuten. chacun an au
terme de Noel. Dont deux seront renou
uelles chacun an. Et deux des vieilz demor
ront. Lesquelz deux nouveaulx gardes
seront choisis et esleuz par les maistres
dud mestier. ou la pluspart diceulx. Et
ainsi seront renouuelles d'an en an.

19 **A**pres lesquelles choses ainsi faictes
et en consideration a icelles. **N**ous
tout veu et considere par le conseil et
deliberation desd conseilz et procur. du
Roy nostred s.^r et a la requeste et du con
sentement desd maistres et ouuriers de


susnōmez/auons baillie et constitue et
par la teneur de ces presentes baillons et
constituons a Iceulx maistres & ouuriers
pour eulx et les aultres maistres & ouuriers
d'iceluy et leurs successeurs ouuriers dud
mestier en lad ville. Iceulx articles cy
dessus transcriptes pour ordonnances po
le faict estat et gouuernement dudit
mestier. pour estre tenus & gardees po
le temps aduenir Sur les peines et par
la forme & maniere quil est contenu
declaie en iceulx articles. Lesquelz ar
ticles et ordōnances Iceulx maistres et
ouuriers cy dessusnōmez tant pour eulx
que pour tous les aultres ouuriers de
Iceluy et leurs successeurs dud mestier
promistrent sobligerent. et Jurerent te
mir & entretenir garder et fermement


acomplir de poinct en poinct pour le
temps aduenir sans enfreindre et
Jamais aler a lencontre.

En tesmoing de ce **N**ous lieu
tenant dessus nomme auons seelle ces
presentes du grand seel aux causes de
ladicte biconte.

Le fut fait aus lieu de Roue
Le Jeudy absolut dixneuvieme iour de
Auil. Lan de grace Mil. c. c. c. iiii.^{xx}
et bnze. Ainsi signe Papillon. **E**n
tesmoing de ce **N**ous auons seelle ce
present **V**idimus. ou transcript /
du grand seel aux causes de la biconte
En lan et iour premier dessus nomme.
Ainsi signe. Duual.

comptant de l'année 1711
l'année 1712
l'année 1713
l'année 1714
l'année 1715
l'année 1716
l'année 1717
l'année 1718
l'année 1719
l'année 1720
l'année 1721
l'année 1722
l'année 1723
l'année 1724
l'année 1725
l'année 1726
l'année 1727
l'année 1728
l'année 1729
l'année 1730
l'année 1731
l'année 1732
l'année 1733
l'année 1734
l'année 1735
l'année 1736
l'année 1737
l'année 1738
l'année 1739
l'année 1740
l'année 1741
l'année 1742
l'année 1743
l'année 1744
l'année 1745
l'année 1746
l'année 1747
l'année 1748
l'année 1749
l'année 1750
l'année 1751
l'année 1752
l'année 1753
l'année 1754
l'année 1755
l'année 1756
l'année 1757
l'année 1758
l'année 1759
l'année 1760
l'année 1761
l'année 1762
l'année 1763
l'année 1764
l'année 1765
l'année 1766
l'année 1767
l'année 1768
l'année 1769
l'année 1770
l'année 1771
l'année 1772
l'année 1773
l'année 1774
l'année 1775
l'année 1776
l'année 1777
l'année 1778
l'année 1779
l'année 1780
l'année 1781
l'année 1782
l'année 1783
l'année 1784
l'année 1785
l'année 1786
l'année 1787
l'année 1788
l'année 1789
l'année 1790
l'année 1791
l'année 1792
l'année 1793
l'année 1794
l'année 1795
l'année 1796
l'année 1797
l'année 1798
l'année 1799
l'année 1800





alloult
66527159

A

12

21

22

pour l'exercice

1742

